



海防纂要卷之十二

黎陽王在晉明初甫纂

男會苾穉芻甫較閱

功令

功次通例

嘉靖十四年議准今後凡遇各邊獲功巡撫官務卽委該道官親詣戰陣地方查勘轉送巡按衙門體勘是實卽便如式造冊 四十二年令各處巡按御史今後勘報功次大功限兩月以裏小功限一月以裏不許稽遲 隆慶五年題准如遇大舉官軍交戰巡按御史移住近地督併稽查零騎對敵斬獲該道親

臨紀驗是否真正仍查對食糧文冊有無姓名無名者卽係買冒革祿不敘仍行究遣如遇家丁隨征獲功者務審原係何衛所軍民舍餘今頂何軍名糧及將陣亡員役有無兄弟子孫各明註本名脚下造冊一留備照一繳部兵部查覈明實覆請陞賞隨將應陞官旗一面移文該府照舊將勘合徑行各該都司衛所遵照給帖一面備細開咨都察院轉行原勘御史查對原冊相同方准授職以後告併斬首陣亡功級但係年遠不係已名或故祖父名者備查案冊無名卽係詐冒俱不准理 六年題准九邊官軍獲有

擒斬功次本處巡按御史速行覈實一面查收貯庫撫按贓罰或別項應動銀兩就將願賞者照數給賞一面速將覈冊奏繳兵部卽行題請陞賞候禮部送銀到部兵部卽便差官齎送以補前數其一應動支補還出入之數俱聽巡按御史徑自查理造冊交代督撫官不許干預巡按先將應動銀兩具數奏知沿海腹裏地方賞功銀兩原不由 內府給發各該巡按照九邊例一體先行給賞 又題准各邊海去處除係大敵決勝一鼓成功外其陸續零斬功次覈勘之時寧多擬賞毋多擬陞

凡妄報功次成化二年令官軍妄報冒受陞賞者事
發革去仍降原職役一級調衛差操 十四年申明
官軍人等爭奪擒斬功次者不許紀錄其詐冒功次
者勘問降一級功次不准 弘治十三年奏准臨陣
報有斬獲賊級紀功官從公審驗若用錢買及賣者
俱問罪係官旗卽於本衛係軍卽發邊衛民并軍丁
人等發附近衛俱充軍若虜寇犯邊官兵明知被虜
人口遺棄在彼因而妄殺冒作賊級者與殺平人一
體論斷 凡擅殺平人報功其本管將官頭目失於
鈐束者量所殺多寡輕則降級調衛重則罷職充軍

俱奏請定奪

已上俱

十明會典

倭賊功

一各衛指揮千百戶獲倭船一艘及賊者陞一級賞
銀五十兩鈔五十錠在船軍士生擒殺獲倭賊一人
者賞銀五十兩陸地交戰生擒殺獲一人者賞銀五

十兩

見會典洪武
二十九年

一凡水陸主客官軍民快臨陣斬首有名真倭賊首
一名顆者陞授三級不願陞授者賞銀一百五十兩
獲真倭從賊一名顆并陣亡者陞實授一級不願陞
者賞銀五十兩獲漢人脅從賊一名顆者陞授署職

一級不願陞者賞銀二十兩如在海洋遇賊有能邀擊沉匿船隻或追逐登山使賊不得近港如賊近港有能奮勇堵截使賊不得登岸如賊既登崖有能衝鋒破敵奪其聲勢追出境或逼下船使地方不致被禍或所步兵少而擒斬多者均以奇功論聽總督卽時具題紀功巡按作速勘報超格陞賞

嘉靖三十五年題准

一萬曆四年四月本部覆總督兩廣軍門兵部左侍郎凌題一議征倭水陸各路主客官軍民快人等如遇聚止五百名以上大勢倭賊一鼓蕩平以寡擊衆力戰成功者列爲第一等內擒斬有名真倭賊首

一名顆者陞實授三級不願陞者賞銀一百五十兩獲真倭從賊一名顆者止賞銀十五兩獲漢人脅從一名顆者止賞銀五兩各不必議陞如賊數不多易于取勝獲功者列爲第二等內獲有名真倭從首一名顆者陞實授一級不願陞者賞銀五十兩獲真倭從賊一名顆者賞銀十兩獲漢人脅從一名顆者賞銀四兩各不必議陞若賊分夥流劫及敗後散遁零星擒斬者列爲第三等內獲有名真倭賊首一名者賞銀二十五兩不願賞者陞署一級獲真倭從賊一名顆者賞銀五兩獲漢人脅從一名顆者賞銀二兩

各不必議陞如漢人勾引倭夷爲患積惡著名者其罪較之有名倭首猶爲深重比照前項擒斬真倭賊首等則一體陞賞

一萬曆六年九月內本部覆巡撫浙江兵部右侍郎徐題自本年以後海洋擒斬倭功不拘外洋登岸賊至五百名之外船至十隻以上爲第一等所獲有名真倭賊一名顆者陞實授三級獲真倭從賊一名顆者陞署職一級不願陞者賞銀二十五兩若二名顆者陞實授一級不願陞者賞銀五十兩獲漢人脅從賊一名顆陞署職一級不願陞者賞銀二十五兩

賊至二百名之外船至五隻以上爲二等所獲真倭從賊三名顆者陞署職一級不願陞者賞銀三十五兩如不及數二名顆者賞銀二十兩一名顆者賞銀十五兩獲漢人脅從賊三名顆者賞銀二十兩二名顆者賞銀十五兩一名顆者賞銀十兩若賊不過數十人船不過一兩隻及敗後散遁零星擒斬者獲有名真倭賊首一名顆者賞銀二十五兩不願賞者陞署職一級獲真倭從賊一名顆者賞銀十兩獲漢人脅從賊一名顆者賞銀五兩諸色人等冒功買功者悉照律例問遣

一議倭功等第查得 會典倭功擒斬陞賞俱照擒斬北虜事例後嘉靖三十等年倭寇猖獗又定爲登峴賞格視 會典反加萬曆四年六年議始定爲三等但中間輕重失倫混淆無次合無將前項功次通融議擬以後如賊七八百人以上至千人船十餘隻以上至二三十隻擒斬有名大賊首如先年王直毛海峰曾一本林鳳之類每一名顆陞實授三級不願陞者賞銀一百五十兩擒斬真倭從賊一名顆者陞實授一級不願陞者賞銀五十兩擒斬漢人脅從賊一名顆者陞署職一級不願陞者賞銀二十五兩若二名顆者當一級以上爲第一等須賊勢大舉血戰成功者方許開列其餘不得擅擬賊至三百人之外船至五隻以上擒斬賊首一名顆者陞實授一級不願陞者賞銀五十兩所獲真倭從賊一名顆賞銀十五兩每三名顆當一級不及數者給賞不陞所獲漢人脅從賊一名顆者賞銀十兩多者加賞不陞以上爲第二等須對陣擊殺兩相鏖戰者方許開列如賊不過百餘人般不過一兩隻賊首不過是一船主非巨賊也能斬獲一名顆者賞銀十五兩真倭從賊一名顆者十兩漢人脅從賊一名顆五兩通不議陞以

上為第三等著為定例萬曆十二年題准

中傷功

一凡官軍陣傷聽將沿身某處所傷瘡口長濶淺深分寸從實開報紀功官處不許將舊傷冒作新傷候驗實紀錄臨期定擬輕重等第奏請陞賞如無紀功官員開報鎮守總兵巡撫官處公同驗實總於巡撫處造冊奏繳行令巡按御史覆勘相同陞賞兵部題准

兵部題准

倭賊領軍功

一征剿倭賊領軍官部下獲功如武將自守備把總以下文官自海防民兵同知以下所領軍民兵勇五百名部下臨陣擒斬倭級每五名題陞一級十名題加一級領兵一千名部下擒斬每五名題陞署一級十名題陞實授一級各以則例遞陞至三級而止兵部題准

題准

一萬曆四年本部題一議海洋功次各領兵官若所獲之功係稱第一等者都司遊擊以上官當時身親督陣部下斬獲一百顆以下即為奇功陞署一級三百名顆以上陞實授一級守備千把總以下官部兵

五百名擒斬每五名顆陞一級十名顆加一級部兵
一千名擒斬每十名顆陞一級二十名顆加一級至
三級而止俱准世襲不及前數者不陞各項真正奇
功方與勘錄零星功次不許混入奏數

一萬曆四年本部題議領兵官都司遊擊守備以上
仍前不許報功若把總以下將領果能身先士卒破
敵摧鋒斬獲首功爲衆知見者准與照級陞賞

軍職獲功贖罪

一軍職爲事問擬充軍已到衛所收伍奉文立功贖
罪者指揮擒斬四名顆千戶三名顆百戶二名顆俱
准贖罪仍復本職若指揮獲功三名顆者止得復副
千戶獲功二名顆止得復試百戶指揮千戶各獲
功一名顆俱准贖罪開伍不給冠帶許回原衛所閑
任原在邊方立功者聽若係領兵部下獲功每五名
顆亦准一級本身不許報功此外已經揭黃永不襲
替及犯永遠充軍次房已襲祖職者並不許援此爲
例朦朧准贖致紊選法如未經發遣着伍奉文立功
贖罪亦照前擬各遞加一名顆方許贖罪復職若犯
調衛并立功贖罪不拘已未發遣如烟瘴衛所親自
擒斬二名顆附近衛所竝立功徒罪一名顆俱准贖

罪回衛還職不許輒自奏告赴邊方立功以撓國法

一議充軍獲功贖罪查得邦政條例一款軍職爲事問擬充軍已到衛所收伍奉文立功贖罪者指揮親自擒斬四名顆千戶三名顆百戶二名顆俱准贖罪仍復本職若指揮獲功三名顆者止得復副千戶獲功二名顆者止得復試百戶指揮千戶百戶各獲功一名顆俱准贖罪開伍不給冠帶許令原衛所閑任愿在邊方立功者聽若係領兵部下獲功每五名顆亦准一級本身不許報功此外已經揭黃及犯永遠充軍次房已襲祖職者並不許援此爲例朦朧准贖致紊選法如未經發遣着伍奉文立功贖罪亦照前擬各遞加一名顆方許贖罪復職夫終身充軍果能臨陣斬首計數多寡止應開伍或復職回衛乃今旣得開伍復職徃徃又冒買賊級必候加陞方回原衛是發遣之明例反爲陞官之捷徑也永遠充軍贖罪原指未經發遣奉有明文者而言乃今不分已未着伍曾否奉有明文一槩通同將領詐冒功次朝方着伍夕卽寧家是永戍之重法反爲脫罪之倖門也合無今後軍職問擬終身充軍已到衛所着伍立功者

俱照舊例贖復原職外其獲功多者止加筭加賞不許再行議陞永遠充軍不拘已未發遣一槩不准贖罪若果有勇力超衆真能臨陣破敵擒斬有功者候巡按御史覈實照軍人斬首事例以次加陞卽註充發衛所不許援引終身軍例告回原籍萬曆十二年題准

旗舍民兵人等獲功贖罪

一旗舍餘丁民兵人等爲事問擬充軍立功徒罪不拘已未發遣奉文立功贖罪者如永遠充軍親自擒斬三名顆終身軍二名顆立功徒罪一名顆俱准贖罪開伍餘照例加陞若舉監生員吏典有犯充軍立功徒罪照依前擬止准贖罪開伍功多照例扣賞永不許復役

陣亡功

一一家陣亡二三人者陞二級見會典永樂四年
一父在而子孫隨軍陣亡別無應繼者陞其父二級見會典景泰四年

一擒斬賊級爲首并陣亡者俱陞一級給賞見會典
天順元年

一夜不收出境哨探被賊殺死者陞賞依陣亡例奪去馬匹免追見會典成化六年

一官軍陣前當先殿後斬將奪旗斬賊首等項立有奇功後又陣亡者子孫襲陞三級仍立祠加祭廕子若止是衝鋒陣亡生前不曾立有奇功者襲陞二級如不係衝鋒破敵止照陣亡事例襲陞一級見成化十四年

一諸司職掌凡武官没于王事照依生前職事加贈二等死于鋒鏑者照依生前職事褒三等

一陣亡官員與哨探被賊殺死夜不收墩軍人等俱陞一級如不願陞者賞銀三十兩陣亡年遠該陞二級准與一級該陞一級准與終身冠帶及都指揮陣亡只與襲指揮使都指揮以上流官不准襲陞文官

陣亡許令兒男入監肄業

成化十四年題

准

一嘉靖七年該工科給事中夏言等題本部覆若親叔兄弟原無祖職自立軍功累至指揮而陣亡者例該加陞流官一級若無子承繼其兄弟叔侄既得承襲之官又得加流之職委無太過合無今後凡弟侄承伯叔兄職事除祖父原有官職者照舊加陞其伯叔兄弟自立軍功累至指揮使以上陣亡者應襲之人止許承襲指揮使本身加贈一級係都指揮陣亡者仍加祭一壇永爲定例其褒贈賜祭臨時酌量上請定奪奉 聖旨是准議行

一都指揮及指揮使陣亡者承襲之人不拘子孫弟
侄只襲祖職止於指揮使若原職指揮使以下軍功
有應減革者准加筭疊陞亦至指揮使而止

嘉靖二

十五年題

准

一嘉靖三十六年本部題看得浙江溫州衛舍人祁
雲龍伊父祁嵩原襲指揮使爲事叅降指揮僉事又
爲事叅問立功今陣亡奉有前項

欽依應襲兒男

襲陞世襲二級本舍係嫡長男保送前來今將本舍
照例於祖職指揮使上加伊父陣亡二級與襲都指
揮同知以後子孫襲替仍照前例止許承襲祖職指

揮使奉 聖旨是

一議得夜不收類皆極貧雖親自斬首多不願陞止
求給賞若孤男寡婦得數十金爲糊口聊生之需合
無將出境哨探被賊殺死夜不收有子孫不願陞者

卽時賞銀三十兩

嘉靖三十一年本部題

准

一查得先年棗強知縣段豸與大勢強賊劉七等對
敵被賊殺死奉 世宗皇帝聖旨段豸率領民兵登
城禦賊親冒矢石不避難險賊已剉剝但衆寡不敵
力盡被害義烈可嘉特贈太僕寺少卿與祭一壇仍
着有司立祠春秋祭祀還廕他男一人做錦衣衛世

襲百戶欽此 又查得崇明縣知縣唐一岑領兵迎戰倭賊殺死節奉 聖旨唐一岑死事可憫准贈光祿寺寺丞立祠廕子准行欽此俱經通行欽遵外該本部議得知縣王鈇叅政錢泮身統孤兵手刃逆賊忠貫金石氣作江河見危授命其志可憫等因題奉聖旨這各官奮不顧身追賊敵戰死事可憫王鈇贈太僕寺少卿錢泮贈光祿寺卿各賜祭一壇還各廕一子與做錦衣衛世襲百戶立祠依擬行嘉靖三十四年題
一自嘉靖三十二年以後至四十二年以前凡係家丁名色陣亡除應襲子孫照舊襲陞外若以伯叔弟

侄冒併者候襲替之日一體查革其未經併陞者雖係陣亡之人嫡親子孫亦不准併蓋武職襲替違限十年之外例尚革發况此陣亡年久必係故絕尤當盡為註銷萬曆元年題 准

一萬曆四年十月內本部尚書譚 題內開稱同一

陣亡而陞襲事例或與或不與却有不同指揮使以

下子孫得延襲無論矣副總兵以上近得比例廕一

次男 恩典頗隆遵照有據獨指揮使陣亡陞級謂

其為流官而不准世襲其間奉有 欽依世襲字樣

者亦止許襲一輩以後通行查革是在指揮同知下

逮卒伍陣亡者皆以世官得襲在副總兵總兵則以流官得破格優恤獨此指揮使應襲陞都指揮者拘於流官不世襲之說豈其官階之崇而死顧不足恤耶情既未通法亦欠備合無將先年事例稍加參酌遇有指揮使挺身赴敵殞於陣前除給本身恤典及長男承襲祖職外仍取次男一人與做冠帶總旗查係生前有功死難獨慘者與做試百戶俱世襲如無次男卽取長男下次孫承襲奉 聖旨是

一萬曆五年四月本部尚書王 題 准是今以後旗軍舍餘人等陣亡有子者照例陞補無子者比照

武職事例追贈一級舍餘軍丁追贈冠帶小旗小旗追贈冠帶總旗總旗追贈試百戶其同籍兄弟叔侄不論親疎俱不許併加陣亡之級

一萬曆十七年五月內本部題一議指揮陣亡查得弘治十六年題 准指揮使陣亡者子孫准襲陞都指揮僉事流官一輩以後查革又查得萬曆四年本部題 准指揮使挺身赴敵殞於陣前除給本身恤典及長男承襲祖職外仍取次男一人與做官帶總旗查係生前有功死難獨慘與做試百戶如無次男卽取長男下次孫承襲二例竝載向未歸一及查指

揮同知以下陣亡者止陞世襲一級今指揮使陣亡
另取次男授總旗則二級試百戶則三級似加恩太
過若有次男止長男陞襲都指揮僉事似報功太輕
合無酌議以後指揮陣亡止有長男長孫者仍止襲
陞都指揮僉事一輩若有次男次孫另廕一人與做
小旗其生前有功死難獨慘與做冠帶總旗俱准世
襲若本枝故絕前枝止襲祖職其陣亡加授不得另
襲已上俱非政條例

優恤成規

一斬獲首級功多于陣亡有的祖父母妻子者每名

賞銀八兩止有伯叔兄弟房族者賞銀四兩

一斬獲首級功少于陣亡有的祖父母妻子者每名

賞銀四兩八錢止有伯叔兄弟房族者賞銀二兩四
錢

一全勝收功遇有在船在營出戰損失兵士一名與
功多例賞

一全然無功反被焚溺殺死謂之敗兵每名不論有
無親人賞銀三兩二錢

一戰而有功重傷幾死者每名賞銀三兩二錢無功
重傷者賞銀一兩六錢

一戰而有功輕傷者每名賞銀一兩六錢無功輕傷者不賞

一陸營出汛遇有操演哨探銃砲失馬悞傷因而致死得真者每名賞銀一兩六錢

一水兵出汛會哨卒遇風濤不測致有損失每名賞銀一兩六錢

已上係都御史高

批允按察司議

禁下海通番律例

私出外境及違禁下海

凡將馬牛軍需鐵貨銅錢段疋紬絹絲綿私出外境貨賣及下海者杖一百挑擔馱載之人減一等物貨

船車竝入官於內以十分爲率三分付告人充賞若將人口軍器出境及下海者絞因而走泄事情者斬其拘該官司及守把之人通同夾帶或知而故縱者與犯人同罪失覺察者減三等罪止杖一百軍兵又減一等

大明律

一洪武二十二年令守禦邊寨官軍如有假公事出境交通及私市易者全家坐罪

會典

一凡守把海防武職官員有犯受通番土俗哪噠報水分利金銀物貨等項值銀百兩以上名爲買港許令船貨私入串通交易貽患地方及引惹番賊海寇

海防集要 卷之十一 十五
出沒戕殺居民除真犯死罪外其餘俱問受財枉法
罪名發邊衛永遠充軍

一凡夷人貢船到所未曾報官盤驗先行接買番貨
及爲夷人收買違禁貨物者俱發邊衛充軍

一凡沿海去處下海船隻除有號票文引許令出洋
外若姦豪勢要及軍民人等擅造二桅以上違式大
船將帶違禁貨物下海前往番國買賣潛通海賊同
謀結聚及爲嚮導劫掠良民者正犯比照謀反 行
律處斬仍梟首示衆全家發邊衛充軍其打造前項
海船賣與夷人圖利者比照私將應禁軍器下海因

而走泄事情律爲首者處斬爲從者發邊衛充軍若
止將大船雇與下海之人分取番貨及雖不曾造有
大船但糾通下海之人接買番貨與探聽下海之人
番貨物來私買販賣蘇木胡椒至一千斤以上者俱
發邊衛充軍番貨竝入官其小民撐使單桅小船給
有執照於海邊近處捕取魚蝦採打柴木者巡捕官
旗軍兵不許擾害

一私自販賣硫黃五十斤焰硝一百斤以上者問罪
硝黃入官賣與外夷及邊海賊寇者不拘多寡比照
私將軍器出境因而走泄事情律爲首者處斬爲從

者俱發邊衛充軍若合成火藥賣與鹽徒者亦問發邊衛充軍兩隣知而不舉各治以罪

一凡官員軍民人等私將應禁軍器賣與進貢夷人圖利者比依將軍器出境因而走泄事情者律斬為從者問發邊衛充軍已上係問刑條例

一凡沿海軍民私往倭國貿易將中國違制犯禁之物餽獻倭王及頭目人等為首者比照謀叛已行律斬仍梟首為從者俱發烟瘴地面充軍

一凡姦民希圖重利夥同私造海船將紬絹等項貨物擅自下海船頭上假冒勢宦牌額前往倭國貿易者哨守巡獲船貨盡行入官為首者用一百斤枷枷號二箇月發烟瘴地面永遠充軍為從者枷號一箇月俱發邊衛充軍其造船工匠枷號一箇月所得工錢坐贓論罪

一凡豪勢之家出本辦貨附奸民下海身雖不行坐家分利者亦發邊衛充軍貨盡入官

一凡歇家窩頓奸商貨物裝運下海者比照竊盜主問罪仍枷號二箇月隣里知情與牙埠通同不行舉首各問罪枷號一箇月發落

一凡關津港口巡哨官兵不行盤詰縱放奸民通販

倭國者各以受財枉法從重究治

一凡福建浙江海船裝運貨物往來俱着沙埕地方更換如有違者船貨盡行入官比照越渡沿邊關塞律問罪其普陀進香人船俱要在本籍告引照身關津驗明方許放行違者以私渡關津論巡哨官兵不嚴行盤詰者各與同罪

已上係刑部議覆新例萬曆四十年六月題准

考察

一考察官捕查得寧紹二區水陸各營哨官捕盜者民隊什長爲兵軍領袖必須誠實精壯者充之庶克有濟該副使劉訪得各役因循積弊踵襲利規中

間守法者固不盡無其虛兵冒支暗糧侵盜放債賭博扣剋賣閑恃倚束兵指一科十種種奸弊不可勝言以致老弱瘋病之人互相蒙蔽坐食廩糧就經行據各總呈解前來逐名點閱考察除事犯稍輕者量行責成姑准留用令其省改有顯過者重責與老弱疾病者一體革退另換其過惡多端者發府究問以後每年防過大小二汛畢日一體送考通行備由於萬曆元年十一月內呈奉督撫軍門方巡按御史蕭批准著爲定規每年防過二汛一體取考向在遵行

一考察官捕查得沿海各區水陸官目每年於防汛
畢日聽海道鎮叅會同考察賞罰以昭勸懲續於萬
曆十五年爲酌考察以便訓練事奉督撫部院溫
憲牌自後俱三年大汛畢通行考察近又奉明文每
汛期軍門撫臨行取官目賢否文冊考覈至汛畢日
聽候詳示分別去留并應戒應拏等項遵行在卷
萬曆三十八年六月浙江督撫軍門高 爲軍務事
照得大汛旣畢往年例將各官役槩行考察分別汰
取飭本院看得兩汛畢日有年終舉刺賢否已經
訪不數月而課殿隨之不但人人自危無乂圖無

固志而多視亦能亂明多訪適以亂聽是多一事不
若省一事之相安也合行遵照并行申飭牌仰該道
移行兩將官曉諭各總哨等官精勇隊什等役使知
本院體恤至意素著賢能者務要愈加激勵一乃心
力以期有功卽偶有微疵小過者務宜猛然省改克
蓋前愆以圖後効免行一番訪察儻有過蹟顯著或
違禁需索指官科斂爲營伍蠹及疲弱老疾掛名充
數佔役冒餉罔裨行伍者該道時常體訪據實不時
揭報以憑究革又未可以姑息養奸儻不肖者或恃
法疎而肆志本院別有所聞定從重處斷不假借俱

毋違錯

今止年終甄別舉刺
汰革汎畢免考察

輯祭禱說

王鳴鶴曰禮制有五軍居其一蓋上而社稷下而生靈安危存亡實係焉斯其所關於國家至重也故禡牙之禮始于王制歷代以還凡有軍興莫之敢廢非爲瀆祀非爲諂神爲社稷生靈重厥典爾前代舉行未暇悉考恭觀我二祖開基定鼎之後大纛神旗歲時有祭載在會典國憲昭然及虎鈴武經所載祝告之詞類各不同俱有成式乃備輯茲篇以便仗鉞專征者遵行毋忽云且易有之聖人以神道設教夫幽顯殊途而感孚則一耿恭拜井而井涌孔明祭風而風應卒以解城中之圍奏江上之捷非特感格乎神明而亦以鼓舞乎衆志機則然也司寄者其尚審之哉

出軍誓衆文

有虞氏誠于國夏后氏誓于軍商人誓于軍門之外周人將交刃而誓所誓不同吾從周之誓曰惟天至仁亭毒萬物其有逆於道德者激霆以震之惟神至幽游息六氣其有淫於禍亂者潛靈以殛之惟王至明順卹九服其有悖於教化者興師以察之此其同

條而共貫者也是知君天下者揮長戈以賓不臣未
爲不善也滌穢滓以廣王化未爲不嘉也今孽虜不
庭亂常反德吾爲天子恭行天討誓剪大憝決垂元
功旣出凶門已卽敵境咨爾衆士用命賞于祖弗用
命戮于社生死榮辱在是一舉勿使自蹟爲邦之羞
爾其勉之爾其勉之

軍祭

成平四年詔禮官詳定禡于所征地之禮付北面總
管其禮除地爲壇以祠黃帝軒轅氏用羊豕代太牢
都總管爲初獻餘用舊儀其牙神燹神兵以一少牢

其幣牙以白燹以皂用剛日以漆器當饌祠之於壇

統以青繩覆以幄幕

置軍牙大燹位方七寸厚三分

亦三獻饗鼓以

一豕祠官皆戎服清齋一宿舊法兼祭風師祭雨師

祭馬師其薦獻亦用牲牢酒脯香幣如上儀惟風師

磔犬以爲牲祝文曰維某年某月某日將師具官稱

姓名某以某物之奠致祭于某神凶黨首難于紀亂

常毒流生民罪在不赦受命徂征恭行天討殄寇克

敵惟神是助尚饗

一說祭毘沙明天王有祠貌則就其祠無祠則望北爲位設香燈蒞

泉漫揚枝乳粥

三軍首路之日則祭道路神以車犯

較

祭禮放城外之首路封土爲山形蒲芻棘栢爲神主祭儀牲幣皆淮上

祭畢以車轆

之而過謂之犯較軍在道路凡遇名山大川百神祠廟皆遣官以酒脯祭告

醫藥類

凡行兵出遠方為風雨所侵頃刻發寒發熱頭痛拘攣再診其左手人迎脉大如氣口此係外感無疑須用後方二三劑以表其風邪必使汗出如雨直至脚上有汗次日熱退身凉切不可喫飲食不則再服二三貼即愈

發表方

防風

二錢
去蘆

曼京子

二錢
研

撫芎

一錢

荆芥

二錢

乾葛

二錢

明天麻

三錢
煨

升麻

一錢
五分

知母

二錢

薄荷

二錢

甘草

一錢

半夏

二錢

分三貼每貼姜三片葱頭三箇水二鍾煎八分食

遠熱服查再煎

治瘡疾初發服此方四五貼即愈

紫蘇

四錢

青皮

三錢
麩炒

蒼朮

四錢
姜炒

半夏

四錢

乾葛

五錢

香附子

三錢

川芎

四錢

陳皮

三錢

分五貼每貼姜三片葱頭三箇水二鍾煎八分食

遠熱服忌魚醒生冷等物

治痢疾初發方

柴胡二錢 去蘆 枳榔二錢 白芍藥二錢 酒炒 木通二錢

車前子二錢 黃芩二錢 酒炒 川黃連二錢 姜炒 甘草一錢

陳枳壳二錢 麩炒 分三貼每貼姜三片燈心十根水

二鍾煎八分食遠溫服忌油膩生冷等物

此方遇痢疾初發之時服此數貼以分利水穀輕者

即愈必須以積滯俱止乃可或服此更重乃是暑深

非此藥所能愈宜服後方

川黃連五錢 去毛 川大黃八錢 白芍藥七錢 朴硝四錢

分三貼姜三片水二鍾煎八分通口服服此三貼

以大便瀉去積滯為度不拘紅白積俱是熱毒並

以此藥治之無疑

服前方分利并瀉藥久不盡愈者宜服此方三四貼

以調胃養血為主無不大効

川黃連三錢 白芍藥三錢 川當歸二錢 五分 白朮三錢

人參三錢 木通二錢 五分 陳枳壳二錢 五分

甘草一錢 五分 車前子三錢 分四貼每貼姜三片燈

心十根水煎溫服已上係建德唐鑑定方

疫氣諸病捷說

古者行軍必急醫藥蓋結營必依山川每犯山嵐海

氣兼之霜雪風雨奔走罷勞沍寒酷暑野屯露宿眾

人氣穢交蒸疫病易起不服水土霍亂虐痢愴悴有病不暇安卧調理必須預備藥餌藥雖數種醫者須擇隨管聽用審証診脉變通加減引而長之可以應變無窮用之有法投一七則起一人十七則痊十人是亦臨戎不可缺者也

治法

疫病初起一二日頭疼身熱骨節疼用芎蘇散發散而愈若兼有飲食停滯嘔吐等症用藿香正氣散

芎蘇散 治疫病頭疼身熱骨節痛傷風等症

川芎 十兩 紫蘇 一斤 陳皮 十兩 茯苓 十兩 甘草 十兩

乾葛 兩 半夏 十兩 柴胡 兩 枳殼 十兩 桔梗 兩

香附 炒十兩 冬加麻黃白芷 各八兩 共為末每

用兩許一七姜葱湯送下衣覆取汗

藿香正氣散 治四時不正之氣寒疫時氣山嵐瘴氣雨濕蒸氣或中寒腹痛吐利中暑冒風吐瀉中濕身重不伏水土飲食停滯嘔吐無汗等症

藿香 兩 蒼朮 炒一斤 厚朴 炒一斤 陳皮 一斤 半夏 斤

茯苓 一斤 白芷 一斤 桔梗 一斤 紫蘇 一斤 甘草 兩

大伏皮 一斤 共為末每用一兩七姜湯下

霍亂 暑月霍亂益元散凉水調灌 冬月炒鹽湯

灌之 因食霍亂霍香正氣散主之 中寒霍亂

吳茱萸 鹽炒 煎服再用茱萸煎熨臍下

益元散

滑石 六兩 甘草 一兩 共為細末

萬疾解毒丹

山茨菇 去皮洗焙二兩 文蛤 一名五倍子搥破洗焙二兩

千金子 去壳揀色白者紙包研去油成霜一兩 紅牙大戟 一名紫大戟洗焙一

兩五錢 麝香 三錢

右製法宜端午七夕重陽或天月德黃道上吉日修合量藥多寡預期數日前主人及醫者俱齋戒

沐浴於靜室焚香將前五味各為極細末重羅兩遍依方用糯米濃飲調和于木臼內杵千下極光潤為度每錠重一錢每服一錠病勢重者連服通利一兩行用溫粥補任治一切飲食藥毒蠱脹瘴氣惡菌河豚死牛馬駝羸等諸毒並用涼水磨服南方蠱毒瘴癘傷人纔覺意思不快即磨服一錠或吐或利隨手便愈癰疽發背對口天蛇頭無名疔瘡楊梅等一切惡瘡諸風隱癩赤瘡未破及痔瘡並用無灰淡酒磨服及用凉水調塗瘡上日夜各數次覺痒立効 已上俱登壇必究

兵瘴

凡屯兵聚衆停住多時氣息相蒸遂成疾病徃徃死者十有百數此名兵瘴用之常藥更不能治余別得法并治藥方萬不一失

治瘴方

用髑髏三枚當處燒之令軍卒聞其臭氣入鼻其瘴自退

又方

取骷髏燒灰細研用冷水調服一錢卽愈

又方

取髑髏共青布等分燒烟薰鼻中待惡水滴盡卽愈

疫瘴不染方

凡欲入病人家先以水磨雄黃塗兩鼻孔雖與病者同牀亦不傳染如倉卒間無雄黃觀病人出後卽以紙條嚏去鼻中毒氣亦不害

治時氣病方

取頭髮燒灰存性共猪脂和服二錢卽愈凡燒灰存性須去不淨頭髮

療渾身腫方

取馬糞蒸令微熱覆於身上卽痊

又方

用鹽於腫身塗之

治中刀鎗血出不止

剪牛馬毛燒灰存性敷之立止

軍中倉卒無藥其餘藥物術數蓋非軍中急得此乃

兵家之妙術也

已上俱神機制敵

折傷金瘡說

夫折傷者謂爲物所傷於身體或犯刀斧或墜墮險地或爲撲跌傷筋挫骨損皮破肉遂致傷生有死血出不止者有瘀血停積於臟腑結而不散者治之不早則有入腹攻心之患不可勝言凡遇前症當視所傷輕重如皮未破而內損者必有瘀血停積先宜逐去瘀血然後和血止痛若肌肉裂破流血過多者宜調氣養血兼補脾胃爲主大抵失血之脈沉細者止實大者死初傷之時切不可飲冷水亦不可食熱物蓋血得寒則凝滯得熱則妄行至于所忌暴怒勞力過飲房勞悉皆慎之一不慎則未有不死者矣

寸金丹

天花粉

三兩

姜黃

一兩

赤芍

二兩

白芷

一兩

右爲末此一方治金瘡重者筋斷脈絕血盡人亡
須用繩索及絹帶扎處血路然後用此藥以茶清
調敷用軟絹縛之其血立止其腫頻消若金瘡着
水番花者可用薤汁調敷瘡口兩傍以火微炙之
或用稻稈烟薰之瘡口水出卽愈

百草丹 治金瘡

五月五日平旦使四人出四方於五里採一方草
木莖葉每種各半把勿令脫漏一葉日午時細切
碓擣令極爛仍先揀好石灰一斗同杵之復選大
實樹三兩株鑿十竅令可受藥然實于竅中緊閉
之畢用麻油擣石灰密泥不令泄氣更以桑皮纏
定令牢到九月九日午時取出陰乾百日藥成擣
之曝令極乾更擣用絹羅之凡有金瘡傷損血出
用藥封裹勿令轉動十日卽瘥矣不腫不膿不畏
風若傷後數日始得藥須先用溫水洗令血出卽
敷之此藥大驗如神預多合之金瘡之要無出之
者

治金瘡并木石傷損

用好陳石灰六兩研碎篩過錦紋大黃一兩切塊
同石灰鍋中炒過紫色爲度去大黃再篩過敷傷

處立効

止痛生肌散 治刀斧傷出血不止

乳香 沒藥 兒茶 桑皮炒 龍骨水飛 石

膏煨水飛 黃丹水飛 真三七各等分爲末摻之立止

當歸導滯湯 治重物壓傷或高處墜下或吐血不

能禁止或刀箭所傷瘀血在內胸腹脹滿喘促氣

短

當歸 大黃各二兩 共爲末每服二錢不拘時童

便和酒調服

芎歸湯 治去血過多昏暈等症

川芎五錢 當歸一兩 共爲片水煎臨服入童

便酒各一大盃熱下

又方 治金瘡折傷不問輕重以童便一碗入酒半

碗煎沸溫服以防惡血攻心之患不飲只用童便

金瘡藥 用馬齒莧韭菜根連須葱陳石灰共調搗

爲餅子陰乾爲末乾摻其血卽止

又方 用白馬糞不拘多少晒乾爲末凡遇刀斧所

傷乾摻其血卽止

葱搭法 治撲損傷腫痛

用葱頭切爛炒焦搗搭患處冷則再易止疼消腫

散瘀

治殺傷不透膜者

用乳香沒藥各一錢研爛以小便半盞好酒半盞同藥通口服然後用花蕊石散或烏賊魚骨或龍骨為末傅瘡口上立止

治金瘡內爛生蛆者

右以皂礬飛過為末乾摻其蛆即死

治金傷肚腹腸出者

右以避風處用麻油潤手安腸入內以桑皮作線縫之更以熱雞血塗上一夜次用止痛生肌散或

花蕊散敷貼仍用磁石三兩燒紅醋淬七次搗碎研如粉滑石三兩鐵精三兩右為細末研勻每服一錢七分溫酒調下日進三兩服

治藥毒箭頭在身不出

雄黃

細研一分粉霜

細研半兩

蟻娘

四兩研末生用

巴豆

三粒去皮壳別研如泥生用

右同研勻以銅筋頭取乳

汁塗點瘡上頻頻用之次日瘡熱箭頭自出

又方 治毒箭所中

右搗藍葉汁一升飲之渣傅瘡上若無藍取青布漬絞汁服之并淋瘡中鏃不出搗鼠肝塗之鼠腦

亦得用之即出

治箭頭不出方

蜚螋

自死者十箇

土狗子

三箇

婦人髮灰

少許

右將蜚螋

去殼取白肉與二味同研如泥用生塗中箭處如

膏塗後內微痒即以兩手感之其箭頭自出

治骨中箭頭方

雄黃

一分

蜚螋

研一分

石灰末

一分

牛糞

火燒令赤色

威靈仙

一分

朝桂鼠

一枚去頭取血

右為末入鼠血并煉

蜜丸如黃米大納瘡口中其箭頭自出

又方 治骨中箭頭

巴豆

一枚去壳

膩粉

一分

砒霜

少許

磁石

半兩細研

蜚螋

一枚

右為末以雞子清和丸如菉豆大用生男子乳汁

化一丸撥在破處上用醋麵紙封貼常痒痒極不

可忍其鏃自出多年者兩上當年者一上鏃即出

破傷風論

破傷風者先有破傷風邪襲入瘡口其症大似傷寒

而瘡口驟結白痂是其驗也或發熱或寒熱間作甚

則口噤目邪身體彊直如角弓反張之狀死在旦夕

矣法當同傷寒處治因其有在表在裏半表半裏三

者之不同故不離乎汗下和三法也是故在表者汗

之在裏者下之在半表半裏之間者宜和解之又不可
法也

羌活防風湯 治破傷風邪初傷在表

羌活 防風 川芎 藁本 當歸 白芍 甘

草 各四兩 細辛 地榆 各二兩 右咬咀每服各

一兩水二盞煎至一盞去渣溫服不拘時量緊慢

加減用之熱加黃芩二兩大便秘加大黃一兩緩

緩利過

奪命散 治破傷風如角弓反張牙關緊急

天麻 白芷 川芎 去皮各二錢 早烏 雄黃 各 錢

右為末酒糊丸如桐子大每服十丸溫酒送下

定風散 治破傷風牙關緊急

天南星 防風 右為細末破傷以藥敷瘡口然

後以溫酒調一錢服如牙關緊急角弓反張用藥

二錢童便調下

行軍烟火所傷

凡遇烟火所傷切不可用冷水冷物熱得冷氣則却

擊搏爛人筋骨慎之慎之 一方用麻油浸黃蜀葵

花付上 一方用爛黃柑汁塗之 一方用多年白

螺螄殼火煨為末瘡破乾摻不破清油調敷 一方

用側栢葉搗爛付上 一方用寒水石大黃黃栢冬
等分爲末蜜調敷之

冬月手足皸裂

比士卒冬月涉水一切風雪凌凍所苦手足面目皸
疥血出一方用清油半兩以慢火煎沸入黃蠟一塊
同煎候溶入官粉五倍子末少許熬令稠紫色爲度
先以熱湯洗火上烘乾卽用藥敷上以薄紙貼之
一方用瀝青一兩黃臘一兩共熬攪勻瓦礫盛貯先
以熱湯洗令皮軟拭乾將藥用慢火略烘溶付之
一方用茄子根濃煎湯洗過以黃丹爲末猪油調付

救五絕死

一救溺水死者用皂角爲末綿裹塞糞門放大癸卧
着脚後癸墊起一二磚用鹽擦鼻中待水自流出切
不可倒提出水但心下溫皆可救 一方急解衣帶
艾炙臍中令二人以蘆管吹其耳中卽活

一救木石壓死并從高跌死氣絕不能言者取藥不
便急擘開口以熱小便灌之 一方豆豉一大盞水
兩碗煎三沸去渣服

一救夏月途中熱死者不可用冷水灌沃及以冷物
逼外得冷卽死宜移置陰處急取路上熱土於死人

臍上作窩多令人尿溺於臍中又取路上熱土并大蒜同研爛水調去粗灌下

一救冬月凍死及落水中凍死微有氣者脫去濕衣解生人熱衣包之用大米炒熱熨心上或炒竈灰令熱以囊盛熨心上冷則緩之令煖氣通溫以熱酒或姜湯或粥飲少許灌之即活

一救中百毒急死用甘草同黑豆煎湯灌之 一方以麻油灌之 一方以芫荽根搗爲汁半盞和酒服之已上俱登壇必究

海防纂要卷之十二

海防纂要卷之十三

黎陽王在晉明初甫纂 男會苾稗芻甫較閱

選日門

逐月吉日定局

正二三四五六七八九十十一

天德 丁申壬辛亥甲癸寅丙乙巳庚

月德 丙甲壬庚丙甲壬庚丙甲壬庚

天德合 壬巳丁丙寅巳戊亥辛庚申乙

月德合 辛巳丁乙辛巳丁乙辛巳丁乙

月空 壬庚丙甲壬庚丙甲壬庚丙甲

月恩

丙丁庚巳戊辛壬癸庚乙甲辛

天喜

戌亥子丑寅卯辰巳午未申酉

生氣時陽

子丑寅卯辰巳午未申酉戌亥

要安

寅申卯酉辰戌巳亥午子未丑

普護

申寅酉卯戌辰亥巳子午丑未

驛馬

申巳寅亥申巳寅亥申巳寅亥

六合

亥戌酉申未午巳辰卯寅丑子

天赦

春戌寅夏甲午秋戌申冬甲子

天馬

午申戌子寅辰午申戌子寅辰

福生

酉卯戌辰亥巳子午丑未寅申

活曜

巳戌未子酉寅亥辰丑午卯申

王日

寅寅寅巳巳巳申申申申亥亥亥

相日

巳巳巳申申申亥亥亥寅寅寅

逐月直日凶神總局

正二三四五六七八九十一十二

天賊

辰酉寅未子巳戌卯申丑午亥

地賊

子子亥戌酉午午午巳辰卯子

荒蕪

巳酉丑申子辰亥卯未寅午戌

大敗六不成

寅午戌巳酉丑申子辰亥卯未

受死

戌辰亥巳子午丑未寅申卯酉

咸池

卯子酉午卯子酉午卯子酉午

蚩尤

寅辰午申戌子寅辰午申戌子

往亡

寅巳申亥卯午酉子辰未戌丑

正四廢

春庚申辛酉夏壬子癸亥秋甲寅乙卯冬丙午丁巳

傍四廢

春庚申辛酉夏壬子癸亥秋甲寅乙卯冬丙午丁巳

天罡勾絞

巳子未寅酉辰亥午丑申卯戌

河魁勾絞

亥午丑申卯戌巳子未寅酉辰

天地爭雄

巳亥卯子未丑申寅酉卯戌辰

招搖

辰卯寅丑子亥戌酉申未午巳

八風

春丁丑巳酉夏甲辰甲申秋丁未辛未冬甲戌甲寅

蛟龍

未申戌申戌丑辰未辰申子巳

龍會

未戌亥亥丑戌丑卯丑未戌卯

滅沒

朔角弦虛望亢晦婁盈牛虛鬼

九坎

辰丑戌未卯子酉午寅亥申巳

月厭

戌酉申未午巳辰卯寅丑子亥

罪刑

丑丑丑辰辰辰未未未戌戌戌

行船類

行船宜黃道天恩月恩月財天月德二德合要安定

成日壬寅癸卯日合海角經星宿

宜乙丑丙寅丁卯戊辰巳巳丁丑戊寅壬午乙酉辛

卯癸巳甲午乙未庚子辛丑壬寅辛亥丙辰戊午巳未辛酉滿成開日

忌建破勾絞天賊地賊受死荒蕪正四廢白浪張宿觸水龍咸池蛟龍四激招搖殃敗八風危日江河離

子胥死日河伯死日龍神行日風波日水隔日九坎九土鬼轉殺日大惡時

下海行船日同更宜天祐天恩普護活曜復日祭水神宜庚午辛未壬申癸酉甲戌庚子辛酉開日

河伯風波日

辛子丑寅卯辰巳午未申酉戌亥

河伯日

亥子丑寅卯辰巳午未申酉戌

風波日

子丑寅卯辰巳午未申酉戌亥

水痕日

忌行船

大月

初一

初七

十一

十七

二十三 三十日

小月 初三 初七 十二 二十六日

月建為白浪日

時建為大惡時

子胥死壬辰日

河伯死庚辰日

觸水龍 丙子

癸未

癸丑日

張宿 丙子

癸未

戌戌

癸丑

乙卯日

海角經 氏

尾

箕

斗

危

壁

婁

胃

昴畢張星軫 十三宿大吉
室牛房參井 五宿半吉

許真君傳授龍神行日不可行船主風

正月 初三 初八 十一 廿五 月盡 龍會

二月 初三 初九 十二 月盡 龍神朝 上帝

三月 初三 初七 廿七 龍神朝 上帝

四月 初八 十二 十七 十九 龍會太白

五月 初五 十一 廿九 天帝龍王朝 玉皇

六月 初九 廿七 地神龍朝 玉皇

七月 初七 初九 十五 廿七 神殺交會

八月 初三 初八 廿七 龍神大會

九月 十一 十五 十九 龍神朝 玉皇

十月 初八 十五 廿七 東府君朝 玉皇

俗忌七九日不行船若先日轉移船頭亦無忌
出兵類

演武宜天月二德兵福兵寶兵吉黃道成開日

比試宜黃道上官天祐恩勝成勳普護福生天馬驛

馬日 前二條俱忌六不成十惡無祿大敗日

班師宜平定成收開旺日及黃道成勳恩勝要安守

成天祐天恩天月二德日

攻取城寨宜巳亥丙寅巳巳甲子甲戌乙未庚戌乙亥巳丑兵寶兵吉除執日 前三條俱忌伐日八專猖鬼敗亡五不歸八絕十惡大敗危日及徃亡日避兵宜黑道大小空亡四廢月虛月空天祐普護活曜生氣要安閉收平定日 忌受死罪刑罪至天地殃敗天羅地網伐日

議和宜黃道天祐天成天月德及合貴人吉人天恩月恩天赦天喜天合五合成除日 忌咸池赤口天災天殃天地爭雄十惡大敗日

捕盜獲逃亡宜乙丑甲戌壬午戊子庚寅辛卯癸巳乙未丙申丁酉巳亥甲申收執日 忌每月十五滅沒歸忌受死天賊咸池九空空亡財離歲空魁罡勾絞月厭亡羸徃亡五鬼陰陽錯伏斷九醜五不歸離窠人民離四絕四離赤口日

出兵征討宜天恩天月德黃道兵寶兵吉恩勝成勳普護福生驛馬二德合成開干剋支日斗建唐符竝宜用之

宜辛丑丙寅庚子丁卯庚戌丁酉甲午乙丑丁丑日忌蚩尤天地爭雄凶敗殃敗滅沒受死離絕荒蕪太歲月建伐日八專猖鬼敗亡五不歸八絕十惡大敗

危日往亡日兵禁日孤虛方九醜日

八專日 丁未 壬子 癸丑 甲寅 乙卯

丁巳 戊午 巳未 庚申 辛酉 癸亥

絕日 庚辰 辛巳 丙戌 丁亥 庚戌

辛亥 丙辰 丁巳

猖鬼敗亡日 丁卯 戊辰 壬申 戊申

庚申 戊寅 辛巳 戊戌 庚戌 壬戌

戊子 巳丑 辛丑 戊午 巳亥 辛亥

六甲孤虛凶方 六甲六巳日孤申酉虛寅卯六乙

六庚日孤午未虛子丑六丙六辛日孤辰巳虛戌

亥六丁六壬日孤寅卯虛申酉六戊六癸日孤子

丑虛午未

兵禁日 正七月寅 二八月子 三九月戌

四十月申 五十一月午 六十二月辰

干剋支日 宜捕人 支剋干日 宜捕捉

出兵吉日時 季月 春 夏 秋 冬

干旺 戊巳 甲乙 丙丁 庚辛 壬癸

干相 庚辛 丙丁 戊巳 壬癸 甲乙

支旺 辰戌 寅卯 巳午 申酉 亥子

支相 丑未 申酉 巳午 亥子 寅卯

右出兵征討出行據其日值敗絕不旺不相之日
宜用旺相時如敗絕日得旺相時亦吉如旺相日
得旺相時尤吉若與黃道時同併行其日黃道方
則不避孤虛凶方 旺相時者如丙寅日丙午屬
火取巳丙黃道支午時用吉餘倣此

秘云出兵以當旬神符掛於竿上以指敵人則敵人
自服經曰縱陣莫當吾符魂魄飛而散失若能以此
用兵是爲師出以律

十惡大敗日 甲巳年三月戊戌 七月癸亥 十
月丙申 十一月丁亥 乙庚年四月壬申 九

月乙巳 丙辛年三月辛巳 九月庚辰 十月

甲辰 戊癸年六月巳丑 丁壬年無

太歲及本命生人合忌十惡大敗日

庚戌生年忌甲辰日 辛亥生年忌乙巳日

壬寅生年忌丙申日 癸巳生年忌丁亥日

甲辰生年忌戊戌日 乙未生年忌巳丑日

甲戌生年忌庚辰日 乙亥生年忌辛巳日

丙寅生年忌壬申日 丁巳生年忌癸亥日

本命則年年忌之太歲則止此一年忌此一位

天賊日 孟滿仲破季逢開 此日賊從天上來

地賊日 地賊星辰不是由 正七逢開二八收

三九逢危四十執 五十一月向平求 六十二

月逢開位 犯着斯辰有賊偷

天地凶敗日 寅七申八日不用 廿一兩月共

卯八十九日非良 酉二十八防 季春初一與

十二 戌三十六忌 麥秋初九廿五凶 亥一

十四同 午月望日并廿五 十四十五子 未

朔猶連二十期 丑九廿五逢

離窠日 丁卯戊辰巳巳歌 壬申戊寅辛巳過

壬午戊子巳丑是 戊戌巳亥辛丑多 戊申辛

亥戊午日 壬戌癸亥總離窠

九醜日 巳卯壬午乙酉是 戊子辛卯巳酉地

壬子戊午辛酉朝 九醜上官婚娶忌

九土鬼日 乙酉癸巳甲午日 辛丑壬寅巳酉同

庚戌丁巳并戊午 九日有始患無終

逐月大小空亡赤口捷訣

初一每從月建首 周數掌支皆順走 數到木

局為空亡 數到辰戌為赤口 亥卯未支三箇

空 先到大空後到小 經商店肆宜當避 他

事吉多俱免忌

五不歸日 巳卯辛巳丙戌期 壬辰丙申巳酉隨

辛亥壬子丙辰日 庚申辛酉五不歸

大敗六不成日 四孟建日四季破 二馬五鷄八

鼠臨 十一蟾宮玉兔走 大敗原同六不成

四窮日 春乙夏丁為四窮 秋辛冬癸亥支同

荒蕪九苦八窮 孟平仲破季逢收 最毒子寅巳

戌同 止有埋葬不須忌 其餘百事盡皆凶

四離 四絕 立春立夏立秋冬 先日名為四絕

踪 更有二分并二至 節前一日四離凶

月虛月殺 寅午戌月看牽牛 亥卯未見犬兒頭

申子辰隨羊伏草 巳酉丑月看龍遊

八絕日 八絕庚辰日 辛巳及丙戌 丁亥庚戌

同 辛亥丙辰出 更有丁巳凶 行兵真不吉

天地殃敗日 正月每自卯宮起 逆從寅丑子亥

去 一月一支額定然 周回臘月辰支上

六壬赤口空亡起例

正七初一起留連 二八却從速喜先 三九月

初遊赤口 四十之月小吉傳 五十一月空亡

上 六十二月大安前 大安 留連 速喜

赤口 小吉 空亡

伏斷 子虛丑斗寅嫌室 卯女辰箕巳房凶 午

角未張申怕鬼 酉觜戌胃亥壁同

七殺星日 雖遇吉神亦不可用

角亢奎婁鬼牛星 出軍便是不回兵 行船定

被遭風起 為官未滿亦遭刑 起造婚姻逢此

日 不過週年見哭聲 世人若是避七殺 官

商士庶盡豐榮

楊救貧先生忌用事日

正月 十三 二月 十一 三月 初九 四月 初七

五月 初五 六月 初三 七月 初一 八月 廿七

九月 廿五 十月 廿三 十一月 二十 十二月 十九

八門三奇日方起例定局

甲戌壬子起坎 丁辛乙卯坤方 庚甲戌午震

宮遊 癸丁辛酉巽畔 丙庚鼠行乾位 巳癸

兔走西方 丙壬騎馬到艮 乙巳鷄飛離面

八門吉凶 休生傷杜景死驚開

甲子乙丑丙寅 戊子巳丑庚寅 壬子癸丑甲寅 坎艮震巽離坤兌乾

丁卯戊辰巳巳 乙卯丙辰丁巳 辛卯壬辰癸巳 坤兌乾坎艮震巽離

庚午辛未壬申 戊午巳未庚申 甲午乙未丙申 震巽離坤兌乾坎艮

癸酉甲戌乙亥 辛酉壬戌癸亥 丁酉戊戌巳亥 巽離坤兌乾坎艮震

丙子丁丑戊寅

庚子辛丑壬寅 乾坎艮震巽離坤兌

巳卯庚辰辛巳

癸卯甲辰乙巳 兌乾坎艮震巽離坤

壬午癸未甲申

丙午丁未戊申 艮震巽離坤兌乾坎

乙酉丙戌丁亥

巳酉庚戌辛亥 離坤兌乾坎艮震巽

八門總論

休門 主仕宦高遷求財得利百事大吉

生門 主出行見貴得財出軍行師大勝萬事大

吉

傷門 主六十里內得見血光兵陣相傷宜求魚

捕獵吉

杜門 主遠出必憂求謀不遂出軍大敗凶

景門 主出外逢盜求財不遂出軍大敗凶

死門 主出外遇疾病防失財物出軍行師大敗

凶

驚門 主求財不遂防有血光之災定見驚恐大

凶

開門 主求財見貴見官陳詞得理萬事大利

又時上小八門出行吉凶詩斷

欲求利市往生方 漁獵須知死路強 若要遠

行開戶吉 休門最好見君王 杜門有難宜避

避 捕捉逢驚最得方 索債要從傷路去 思

量酒食景門香 已上俱雁仙用後經及曆書通選

歲月吉凶

太歲者一年之主月將者一月之神其次歲殺其次月刑其次日刑又其次月殺日殺用兵臨敵不可向之向者必凶

五將所在

正五九月在東方

二六十月在南方

三七十一月在西方

四八十二月在北方

遁甲經云凡戰鬪背陽德向陰刑則勝

立春後四十五日陽德在辰陰刑在戌宜西北戰勝

春分後四十五日陽德在午陰刑在子宜北戰勝

立夏後四十五日陽德在未陰刑在丑宜東北戰勝

夏至後四十五日陽德在酉陰刑在卯宜東戰勝

立秋後四十五日陽德在戌陰刑在辰宜東南戰勝

秋分後四十五日陽德在子陰刑在午宜南戰勝

立冬後四十五日陽德在丑陰刑在未宜西南戰勝

冬至後四十五日陽德在卯陰刑在酉宜西戰勝

玄女大敗日不可用

春寅午戌 夏巳酉丑 秋申子辰 冬亥卯未

白虎頭日出軍敵人自伏

每月初一初八十八二十六是也

四離日不宜出軍

冬至後一日寒離

夏至後一日暖離

春分後一日土離

秋分後一日木離

用兵須看天兵所在不宜出軍

甲巳日寅方

乙庚日戌方

丙辛日申方

丁壬日午方

戊癸日辰方

八龍七鳥九虎六蛇日不宜出軍

春甲子巳亥日爲八龍夏丙子丁亥日爲七鳥秋庚

子辛亥日爲九虎壬子癸亥日爲六蛇

武侯曰出軍舉衆宜向月煞吉利月煞正月起卯順

行十二辰

戰雄方

凡鬪敵背戰雄方擊雌方則勝

春寅方寅日

夏巳方巳日

秋申方申日

冬亥方亥日

戰雌方

春申方申日

夏亥方亥日

秋寅方寅日

冬巳方巳日

五帝所在日不宜向之出軍向之必敗

春東方

夏南方

秋西方

冬北方

四耗日不可攻戰

春壬子

夏乙卯

秋戊午

冬辛酉

四窮日不宜出軍

春乙亥

夏丁亥

秋辛亥

冬癸亥

天敗日不宜攻戰

春辛酉

夏庚子

秋巳卯

冬戊午

四墓日不宜出軍

春乙未

夏丙戌

秋辛丑

冬壬辰

章光日不宜出軍

四孟月乙丑日

四仲月丙寅日

四季月甲子日

占驗門

出軍占候

東方朔云五音姓出軍先觀雲色候好即行候惡即止

宮姓出軍見黑雲大勝赤雲小勝青雲大凶諸雲自

如

商姓出軍見青雲大勝黃雲小勝赤雲大凶諸雲自

如

角姓出軍見黃雲大勝黑雲小勝白雲大凶諸雲自

如

徵姓出軍見白雲大勝青雲小勝黑雲大凶諸雲自

如

羽姓出軍見赤雲大勝白雲小勝黃雲大凶諸雲自

如

安營選地

凡安營必須擇勝地左草右澤有山有水山者形勢
之山水者長流之水須避污下沮洳預防暴雨地有
不可居者列之於後

勿居天獄

下中高者

勿居地獄

高中下低

勿居天竈

大谷之口

勿居龍頭

大山之端

勿居天社

高中高者

勿居地社

下中下者

勿居空器

荒城破邑

勿居宿屍

丘墓之處

勿居天柱

蘆岫巖林

勿居洞泉

新澤之處

勿居天羅

高中最高

勿居天隙

地下之處

勿居飛鋒

戊酉地與滅
踪無草木處

勿居天窖

曾藏五穀坑穴

勿居蒿社

曾立神佛之
處

勿居天鎖

地圖靈處

避此然後安營隨分多少切須方正小則六十步其
次六百步其次六里建十二時辰位一辰立一旗
六甲為青龍大將居之 六乙為蓬星鼓角居之

六丙爲明堂士卒居之 六丁爲太陰伏兵居之
六戊爲天門軍門居之 六巳爲地戶小將居之
六庚爲天獄斬決居之 六辛爲陰中判斷居之
六壬爲天倉糧蓄居之 六癸爲華蓋兵器甲仗
居之

下營六甲旬使用名曰六甲營

大將軍居子 輦鼓居丑 士卒居寅 伏兵居

卯 軍門居辰 小甲居巳 斬決居午 判斷

居未 糧蓄居申 軍甲器仗居酉戌亥

甲辰甲寅旬並依前後旬
首大將軍以下依次列位

臨敵占候

夫欲兵先定主客平安之時先動者爲主後動者爲
客陳兵原野先動爲客後動爲主以高旗爲客低旗
爲主先聲音爲客後聲音爲主行者爲客坐者爲主
凡兩軍相向以雲爲龍以風爲虎風雲交則戰不交
則不戰龍從東來虎從西來龍勢寬緩客先進虎勢
速急主先進大勝

夫占候之法晝則占日夜則占星星者斗也以日爲
主以雲爲客敵在東日出之後敵在南日中之後敵
在西日入之後敵在北夜半之後雲起處攻之

甲乙所向有白雲不可攻 丙丁所向有黑雲不可
攻 戊巳所向有青雲不可攻 庚辛所向有赤雲
不可攻 壬癸所向有黃雲不可攻

五行用陳剋法

敵陣直木吾陳方金

敵陳方金吾陳銳火

敵陣銳火吾陳曲水

敵陳曲水吾陳圓土

敵陣圓土吾陳直木

用兵背生氣擊死氣

生氣者壬月居子順行十二辰對冲卽死氣二月丑
三月寅對宮卽死氣

安營卜地

山如鳳凰翅翼開張羣隊千萬挾帶高岡前銜印綬
後有回翔

山如飛龍拔曳遠近或驚或懼乍橫乍縱臺閣池澗
舞鶴連鴻

山如狗母縮頭拳尾就腹乳兒頂連山首

山如麒麟乍立乍蹲羣隊千萬敵諸數人

山如生蛇或曲或斜後岡前坵隱馬藏車

山如卧牛曲脚拳頭三光內照雨水不流厲帶林壟

乍附山丘

山如伏驚四方無缺潰泉東流元陽不歇三門竝起
一戶從缺

山如游龍倚伏數重華蓋隱隱映軍芄芄前躍後起
宛若雞籠乘馬俯仰八卦皆通

山如蟠龍玉樓數重宛轉斜曲首尾相從
山如舞鶴翅翼開托胸臆寬平尾盤

右十三之形皆隨其陽吉此乃兵家之秘術

草木不生不可居鳥獸不集不可居古竈墳墓不可
居河水逆流不可居朱雀無頭不可居玄武折足不
可居白虎啣屍不可居青龍悲泣不可居雖有居之

主將死兵覆兩高名地獄中高名地柱古戰場營墓

右凶地十三處不宜安營

占軍災祥

營地

凶
凡災者軍營地忽有血赤者主敵來攻營急移不移
凶

營中忽生草木者宜速移

營中地忽有鼠螻蟻者主下謀上

營中地忽生蚯蚓者主士卒思歸

營中地忽有螽蟻繚亂者主大戰先舉者勝

營中牙旗忽摧折者主大敗

營中地忽生蜂蠅者急宜移不移主將軍敗

營中地忽生龜鱉者主軍不利大凶宜急移

營中鼓忽鳴主軍敗

營中地忽生毛主敵至宜急移

營中地忽出土錢主士卒謀叛

營中忽生草行如陳者主十日內大戰

營中地忽坼裂者宜速移不移軍敗死

營中地忽陷者主將軍死

營中地忽震動主大戰不出十日軍潰謀叛

已上俱神
機制敵

風雨占候

一風雨占候蓋軍中占候風雨為急載諸洪範之庶
徵本於太陰之纏度自然推步可驗初非玄奧難知
至如日月之薄蝕霾霧之鬱蒸星辰之流伏雲氣之
變遷觀乎天文以察人事而吉凶禍福如桴鼓影響
然此兵家之所宜究心者也况江海操舟衝風觸浪
順之則安逆之則危提三軍決兩陳雖天時不如地
利而孤虛旺相向背趨避為將領者不可不知考之
孫子曰發火有時起火有日時者天之燥也日者月
在箕壁翼軫也凡此四宿風起之日也如正月太陽

在子初一日太陰孕於子謂子朔五日過兩宮卽戌位此三日內決有風者月在壁宿是也初十日太陰過申三日內主雨者月離於畢是也十五日太陰過午謂之望十七十八十九太陰過巳及辰三四日內有風者月在翼軫是也廿五太陰過寅二三日內有風者月在箕宿是也廿九三十日太陰復於子謂之晦二月太陽在亥太陰隨之餘倣此大率節候不同弦望亦異節候不同者如立春或在月前月後弦望不同者弦有初七初八初九望有十四十五十六十七是以月之過宮亦有三四日之差其風亦應在三

四日之內質以曆之所推無不驗矣

諺云月兒仰

水漸長月兒仄水無滴蓋月有九行青白赤黑各二道皆出入於黃道之中故曰九行道不中而過南則爲陽道道不中而過北則爲陰道行陽道則旱行陰道則潦月借日爲光月生時如仰瓦是行陰道矣如弓弦仄樣是行陽道矣故知旱潦者以此 春夏兩季若遇天氣濕熱其日午後或雲起或雷聲所起之處必有暴風 秋冬兩季之間若四方天色明淨自五更至辰初無變雖有微風不問順與不順可必無妨 雲頭從東方起必有東風從西方起必有西風

南北亦然如前向雲頭已過後向雲脚未盡風亦未
止必天色明淨後更無雲然後風止若行雲片片相
逐聚散不常其潔白圍繞日光又雲脚黃日色赤雲
行急天色黯淡日月昏暈太白晝見衆星動搖並主
大風 日暈生雨月暈生風看何方有缺則此方風
來 夏秋之交熱極生風及有海沙雲起謂之風潮
名曰颶風此乃四方之風有此風必有霖霖大雨同
作 防南風尾北風頭南風愈吹愈急北風吹起便
大 雲若砲車形起主大風 雲起下散四野滿目
如烟如霧名風花主風起 夜間聽九道遙鳥叫卜

風雨一聲風二聲雨三聲四聲斷風雨 水蛇蟠在
蘆青高處主水高漲若干回頭望下水卽至望上稍
慢至于螻蟻之遷飛蟻之出江豚之見淵魚之躍礎
石生潤山川出雲皆可占風雨 月盡無風無雨則
來月初必有大風雨俗云廿五廿六若無雨初三初
四莫行船春有二十四番花信風梅花風打頭揀花
風打末 諺云壬子癸丑甲寅晴四十五日滿天星
戊申巳酉連庚戌天上無雲地下濕 每值日干執
破多風雨又云執破無雨危承當 凡寅戌二時風
雨不久午子二時者頗久若雨至午時偶然日出謂

之雨候其雨通霄大抵東北風多雨西南風多晴惟
長安則西風而雨此不可曉 易曰密雲不雨自我

西郊蓋陰來求陽而陽不應之故不成雨風雲際會
而相從者也凡雲走東北者乃係西南之風必無雨

嘗考李筌作日月合宿大約之法以周天三百六
十五度四分度之一二十八宿四方分之東方七宿
共七十五度南方七宿一百一十二度西方七宿八
十度北方七宿九十八度月二十八日一周天一日
一夜行一十三度少強皆以月中氣起例雨水正月
中日月合宿在室八度春分二月中日月合宿在奎

十四度穀雨三月中日月合宿在昴二度小滿四月
中日月合宿在參四度夏至五月中日月合宿在井
二十三度大暑六月中日月合宿在星四度處暑七
月中日月合宿在翼十二度秋分八月中日月合宿
在角六度霜降九月中日月合宿在氏十四度小雪
十月中日月合宿在箕二度冬至十一月中日月合
宿在斗二十一度大寒十二月中日月合宿在虛五
度每月朔日以夜半推之無不驗也此占風起之例
也 大抵倭舶之來恒在清明之後前乎此風候不
常屆期方有東北風作且多日而不變也過五月有

風自南倭不利於來而便于歸矣重陽後風亦有東北者彼亦可來過十月風自西北亦非倭所利矣故防春者以二三四五月爲大汛九十月爲小汛凡冬夏之交南北風息未定七九月風濤洶湧尤可畏也故舟行者往西以仲春往北以仲夏往東以仲秋往南以仲冬則利涉大川不疾而自速矣

海防類考

舟師占驗

按兵法孫武子曰月在箕壁翼軫此四宿者風起之日也向以爲紙上陳言竟未之試茲出汛海外占之多驗值四宿而風不起間或有之起則未有不狂大者至於忌俗假托於神雖不可攷然亦多合四宿因擇應驗者俗忌古占刊布俾舟師知所趨避云

正月初二日月在箕 初九日在壁俗云玉皇颶
二十二在翼 二十三在軫 三十日又在箕俗云龍神會

二月初七在壁俗云春期颶 二十在翼 二十
一在軫俗云觀音颶 二十八在箕俗云龍神朝

上帝

三月初三俗云真武颶又云拔草颶 初五在壁
初七俗云閻王颶 十五俗云真君颶 十八在

翼 十九在軫 二十三俗云天妃颶 二十六
在箕俗云諸神朝上界

四月初二在壁 初八俗云太子颶 十五在翼

十六在軫 二十三在箕俗云太保颶又云龍神

于太白

五月初五俗云屈原颶 十三在翼 十四在軫

俗云關王颶 二十一在箕俗云龍母颶 二十

八在壁

六月十一在翼 十二在軫俗云彭祖颶 十九

在箕俗云十二做不透十八做去湊 二十六在

壁

七月初八在翼 初九在軫俗云神煞交會颶

十六在箕 二十三日在壁

八月初六在翼 初七在軫 十四在箕俗云伽

藍颶 二十一在壁俗云龍神大會

九月初四在翼 初五在軫 初九俗云重陽颶

又云九朝風 十二在箕 十九在壁 二十七

俗云冷風信

十月初一在翼 初二在軫 初五俗云五風信

初九在箕 十六在壁 二十九在翼 三十在

軫俗云東嶽朝天

十一月初七在箕 十四在璧俗云水仙颶又云

冬至風 二十七在翼 二十八在軫俗云西嶽

朝天

十二月初五在箕 十二在璧 二十五在翼

二十六在軫俗云掃塵風

以上十二箇月坐定法也若遇閏正月則看前

月大小月大則同前月月小則移前一日初一

初八廿一廿二廿九乃四宿之日也餘可類推

定各色惡風

雲橫日赤 烟霧四塞 日月昏暈 海面浮赤

雲行如箭 禽鳥高飛 天色昏暗 人身首熱

天色衝高 大魚高跳 海水汾濁 海糠多浮

西南星動 海蛇戲水 無風作湧 無雷海響

青蜓多飛 礁頭亂響 凡此各色 風颶異常

逐月風忌

正月忌七八日風乃北風也

二月忌初二北風

三月忌清明北風

五月忌雪至風以正月下雪日為始筭至五月乃一

百二十日之內主此風

六月十二日忌 風在前後三四日

七八月 日南風必有北風報之

九月九日 內忌九朝風

十月忌初五風在前後三四日內

十一月冬至風

臘月廿三四掃塵風

占風

秋冬東南風 雨下必相逢 春夏西北風

下來雨不從 汛頭風不長 汛後風雨狂

春夏東南風 不必問天公 秋冬西北風

天光日色紅 長夏風勢輕 舟船最可行

深秋風勢動 風息浪未靜 夏風連夜傾

不晝便晴明 雨過東風至 晚來越添巨

風雨潮相攻 颶風難迴避 初三須有颶

初四還可懼 望日二十三 颶風均可畏

七八必有風 汛頭有風至 春雪百二旬

有風君須記 二月風雨多 出門還可記

初八及十三 十九二十一 三月十八雨

四月十八至 風雨帶來潮 船傍人難避

端午汛頭風

二九君還忌

西北風太狂

回南必亂地

東風連夜吼

西風只到酉

春颶頭起狂

冬颶尾更大

六月十一二

彭祖連天忌

七月上旬來

爭秋船莫開

八月半旬時

隨潮不可移

占天

朝看東南黑

勢急午前雨

暮看西北黑

半夜看風雨

東南朝黑雲

風急午時霖

西北暮黑雲

半夜風雨均

朝看天頂穿

日出漸炎炎

暮看四脚懸

明日必晴天

遊絲天外飛

久晴便可期

清朝起海雲

風雨霎時辰

風靜鬱蒸熱

雲雷必振烈

占雲

早起天頂無雲

日出漸明

暮看西邊無雲

明日晴明

游絲天外飛

久晴便可期

清朝起海雲

風雨霎時辰

風靜鬱蒸熱

雲雷必震烈

東風雲過西

雨下不移時

東南卯沒雲

雨下巳時辰

雲起南山暗

風雨辰時見

日出卯遇雲

無雨必天陰

雲隨風雨疾

風雨霎時息

迎雲對風行

風雨晴時辰

日沒黑雲接

風雨不可說

雲佈滿山低

連霄亂雨霏

雲從龍門起

颶風連急雨

西北黑雲生

雷雨必生旬

雲勢若魚鱗

來早風不輕

雲鈞午後排

風色屬人猜

夏雲鈞內出

秋風鈞背來

曉雲東不慮

夜雨愁過西

雨陣兩霎煎

大颶連天惡

惡雲半開閉

大颶隨風至

亂雲天頂絞

風雨來不少

風送雨傾盆

雲過都暗了

紅雲日出生

勸君莫出行

紅雲日沒起

晴明便可許

雲行砲車同

必主起大風

雲變魚鱗天

不雨也風顛

占日

烏雲接日

雨卽傾滴

雲下日光

晴朗無妨

早間日珥

狂風卽起

申後日珥

明日有雨

一珥单日

兩珥雙起

午前日暈

風起此方

午後日暈

風勢須防

暈開開處

風色不狂

早白暮赤

飛沙走石

日沒暗紅

無雨必風

朝日洪天

晴風不揚

朝日燭地

細雨必至

日光精彩

久晴可待

日光早出

晴明必久

返照黃光

明日風狂

午後雲遮

夜雨霧霏

上下黑龍 風雨相從 日暈青色 必主大風
日暈赤色 霹靂兼風 雨畔相向 天下大風
已上俱參將沈有容舟師占驗

論太白晝見

經云太白晨見東戶為啓明朱子斷曰啓明金星金
在西日將出則東見註云太白見于日將出時則曰
晨見主無風見于日已出後則曰晝見主有大風今
俗呼為曉星

論三星搖動

每遇入夜觀于西南方上有星搖動主大風

占氣

凡占氣法每於月甲子庚子及午未亥日令三五淨
士登五丈高臺分地方觀之若氣來如循車道者五
六里氣高七八尺十餘里氣高二丈五六十里若平
川舉目而望之五百里平望千餘里極目望如桑榆
者二千里氣觸地三千里凡氣靜則軍動故象曰有
勝無實勝虛下澤勝枯長勝短厚勝薄假如我軍在
西敵在東西高東下西厚東薄西澤東枯西長東短
戰則我勝此象氣之法也

氣上小下大主士卒日增上大下小主士卒日減

氣前白如低後青如高主將怯士勇前小後大主暗
昧不明

氣來覆人掩溝蓋軍者主大敵至急宜備

氣橫色兼白見日轉潤色者主將有威德

氣色青虛而高漸黑者主將死

氣明滅大小不定者必有詐謀宜勒兵備之

氣白色明滅如霧狀如疋帛者主天下有兵起

氣如丹蛇兼赤色隨後至者主大戰

氣白色如羣羊徘徊結陳來者必有他國人來相圖

氣白色廣五六丈竟天者主起兵

氣如火從天下入軍營者主軍亂將死

氣黑色如牛馬入軍營者名曰天狗食人血主兵敗

氣白色如瓜連蔓結部隊相逐須臾罷而後出乃至

八九丈而不斷者主大軍卒至宜發守備

氣如網幕向天邊到者主兵將潰死

氣如車覆軍上者不宜攻戰

兩軍相接軍上有五色雜氣東西南北不定者必有

詐謀宜勒兵備禦

氣黑如山如帶敵人自降

氣如飛馬徘徊在上或來而高者敵兵勇銳不宜攻

之

氣白色似旗幟在軍上者主軍勝赤色有凶

氣五色與天連接者此天應之在敵上不宜攻

氣赤色黃色於天下覆敵軍上者不宜擊

氣如犀角羊角擊之勝

氣如塵埃前低後高在敵軍上將士精銳不宜擊之

氣如堤如岍前後摩地在敵上不宜攻之

氣如山如林木在敵上者主將勇銳不宜擊在我軍

上宜用兵

氣紛紛勃勃如烟如塵在敵上者主敵人敗

氣如焚生草之烟者在彼軍上主兵銳氣散後擊之
必敗

氣黑色中赤氣必有伏兵不宜擊

攻城圍邑其上有氣吹灰者城可圍也

城中氣出於西者城欲降

城中氣出於北者城可攻

城中氣出於南者城欲逃

城中氣出於外如烟者主城中出大將軍交戰

城中氣出復入者主城中人逃

城中氣過旬不散者城中有大將輔佐之不宜攻

城中赤氣出旬日如搗杵主城中兵災

天子之氣如高樓如華蓋如龍虎如鳳如泰山如紫蓋如人赤氣其下皆不可攻伐

猛將之氣如虎如龍形如狼如熊如樓閣如旌旗如長堤如山如人持刀斧如林木如弓弩如黑蛇如烟火勃勃焉其下不可攻伐

游兵之氣如長木如葭長無根本如慧星其下不可攻

伏兵之氣如杵如旌旗幟蓋在黑雲中如人十五五在黑雲中如黑狗如山嶽如樓彷彿兵在其下攻

戰必敗

敗兵之氣如掃帚如鑼鼓如懸衣如雙蛇如飛鳥如壞屋如驚鹿如破車如人相指無頭無足皆敗兵殺將之氣

降兵之氣如人十十五五皆叉手低頭主五月內定有降卒至

凡城郭有赤氣者下必流血

凡州郡天紅如血者主有篡殺事

占日月

夫日月陰陽之精國之象爲君爲將不可不明此也

海內彙編 卷之十三 三十三
日月竝出主有二君

兩日竝出諸侯謀叛

衆日出主天下分裂

日月竝出相去數寸者大臣謀逆

日夜出者天下不安大兵將起洪水流行

三日竝出者主君失位

日中有赤鳥者主國大凶

日暈五重者不期年主兵起人民不安

暈如金色兼有水者主將有喜

暈如瓜隨身置兵大勝

日暈時城中出氣色遇其城不宜攻伐

暈如車者戰則必勝

暈有赤色氣盤旋在上者兵敗

日傍如人無頭足持戟者主社稷遷移

日內有白虹貫者主上位凶

日邊有雲如鏡懸者其下戰則死兼先鋒將死

日有四毛豎定者戰則主大勝

日蝕處攻之勝攻城亦從蝕處攻之必破

兩月竝出主國家憂患

月晝出光輝者主姦謀

月初生黃色者主大軍人民饑饉赤色者主客兵勝
月初生中正者主敵兵至

月中無兔主損將軍

月暈三重主天下兵起

月初生有暈者若向此戰客勝

月生無光主士卒亂

月暈黑色主人勝

月無暈有氣入者隨氣入處攻之必勝

月有雲從傍入隨雲入處攻之必勝

月十四日虧者主國危兵起

月蝕圓而缺者主大臣謀叛

春季月蝕主將軍憂

夏季月蝕主將軍憂大災

秋季月蝕主四面將軍災

冬季月蝕主將軍兵在外勝

占雷霆

夫雷霆者天地之威也震則有警萬物用兵者尤宜
察之凡雷霆鳴將軍士卒宜擐甲張弦其兵得助者
也

凡雷霆從坎上鳴主軍大水

乾上鳴主士卒興

震上鳴主米穀貴

艮上鳴主兵疾病

巽上鳴主大旱

離上鳴主亢旱

坤上鳴主蟲損禾

兌上鳴主兵起

鳴無電主大凶宜賞

雷從我軍上起大勝從敵上起敵勝

圍城過旬無雷雨者城中有輔佐人宜審之

暴雷霹靂在營上主兵敗急宜移營

占雨

凡雲行雨從後來沾衣者得天助必勝細雨沾衣者名曰沐浴兵大吉

雨不濕衣名曰浴屍大凶

無雲而雨名曰天泣大凶

雨終日不成蹤者主災

天久陰而不雨者主士卒謀將軍連陰十餘日不雨者亦下謀主

凡攻城過旬不雨者宜退兵

占虹蜺

夫虹蜺者雄曰虹雌曰蜺

白虹者亂之由斯出則百殃生主禍亂流血之兆
久無雲虹蜺見者主國大災

黃色兵大勝赤色宜賞士卒白色臨城城欲廢青色
主瘴疫

似象鼻者主兵起流血

白色五七箇見者主災

虹蜺似弓形者流血直者主疾病交見者攻城伐寨
入軍井中五軍大敗入營者主兵敗

占星

太白星伏入月內興兵者名曰月逆主三軍潰

太白星出傍有小相侵不過尺餘者主客兵散

出來未高有敵可擊亦莫追若失度向南行則先舉
者兵敗

星出來高者宜用兵深入則勝

出來低者宜用兵淺則勝

出來行緩者宜固守

出來小光芒炎炎者大兵起

出軍時有芒角者隨角出軍

星出光芒者名曰天狗其下主流血

星出見一芒者主兵起不用兵出見二芒者主兵起

用兵出見三芒者所在處兵起出見四芒者主大臣
爲將不利

星出左右有流星亂者主國有災
出在未時者臣下作亂

星出入日中星明日暗主大臣謀逆
出入月中星明月暗主將死

占流星

流星者天候也大者使大小者使小聲隆隆者怒行
疾應速行遲應緩也流星大者無光則衆人之事小
者無光則貴人之事明滅不定者主兵兵敗蛇行者
主姦謀事從敵軍上徐行至吾軍上者主爭鬪也
落地化成水者天下大水流亡

落地化成人者凶吉隨人所定也

落地化成砂土者國亡

落地化飛禽主兵起

落地化成石者主水流十里

落地化成六畜者主兵起人民不安

落地化成玉者主饑荒

落地散墜軍營者主大戰

落地作聲於軍中者主將死宜急移營

曳尾三尺長或戈長者主軍敗

入營者大凶

有芒角火光墜軍營中者凶宜急移營
落營寨中宜移營不移王將死

落軍營內衆驢馬驚鳴者軍敗死

占北斗

北斗星斗中有小星者王下不安兵戈起

中有青蒼氣衝入者王賊來侵都邑

上有赤雲者王軍敗流血

有赤氣如龍蟠者王客軍敗

有微微白氣入者王兵大起

白雲從外如蛇尾末穿中心者大凶

有白雲如猪形王士卒虛驚

斗邊有黃氣散東西成文采者王軍敗宜固守不可
動動必凶

有黑氣如龍衝入勝不宜舉

有赤氣如狼頭薄尾厚者宜以猛將攻之必大勝

斗邊有薄薄氣青色者王大臣謀逆

有雲繚繞者王西方夷兵起

斗晝見者王社稷遷移

有赤氣四隅圍遶者王兵大起

占星雜見吉凶

雜星箕糠星不見者主天下人民饑饉
翼宿分明見者主宗廟悲哀

星形如樹者主大戰

星形如牛頭名曰疾藜若見主國災

晝星見主天下不安

晝雨乍晴星見主社稷遷移

晝三箇星見主夷狄戎蠻來侵犯不過七日或七旬

日千里兵敵

晝四箇星見主君親謀逆

晝五箇星見主外國來爲災

星一箇入月中者主姦謀

掃星凌月者主大臣謀逆

星相打者主大戰流血

軍出夜有星光明在敵上我軍稀暗者主軍敗若我

軍上光明者主軍勝

已上俱神機制敵

占虹

蟬竦在西 明日雨垂

蟬竦在東

無雨生風

虹下雨垂

晴明可期

斷虹晚見

不明天變

斷虹早掛

有風不大

斷虹光散

名曰破蓬

東南晚見

必主颶風

占霧

在天濛氣	在地濛溟	曉霧即收	晴天可求
霧收不起	細雨不止	三日霧濛	必起狂風
清明前後	歲歲皆同	白虹下降	惡霧必散

占電

電光西南	明日炎炎	電光西北	雨下連夜
辰闕電飛	大颶可期	遠來無慮	遲則有危
電光亂明	無風雨晴	夏風順電來	秋風對電起
閃爍星光	星下風狂		

占海

螻蛄放洋	大颶難當	兩日不至	三日無防
滿海浪荒	雨驟風狂	大海無慮	至近無防
金銀遍海	風雨立待	海泛沙塵	大颶難禁
若近山岼	仔細思尋	烏鱗弄波	風雨必起
二日不來	三日難抵	水上鷺毛	風大難拋
東風可守	回南漸傲	白蝦弄波	風起便和

熟讀此歌 不遭風波

行船占日月星雲風濤

一返照在日没之前	鰐脂紅在日没之後	記之
一星光閃爍不定	主有風	

一凡風單日起單日止雙日起雙日止

一凡風起早晚和須防明日再多

一有惡暴之風盡日而沒

一防夜起之風必毒

一凡東風急風急雲起愈急必雨雨最難晴

一凡春風易於傳報一日南風必還一日北風雖早

有此風向晚必靜

一春南夏北有風必雨

一春天東南風俗云風時向晚多颶

一凡雨陣自西北起者必雲黑如潑墨又必起作眉

梁陣主先大風後雨雨急易靜

一水際生靛青主有風雨

一秋天雲陰若無風則無雨

一海燕忽成羣而來主風雨烏肚雨白肚風

一海猪亂起主大風

一鰕籠張得鱗魚主風水

已上俱舟師占驗

占鳥獸

九變圖曰鳥是陽家之將獸是陰家之軍將不將鳥
飛颶軍不軍鳥隨身預符曰鬪不鬪看鳥獸大凡爲
將用兵不可不明也

軍營中黃鳥集於將軍旗纛上者將軍加祿

羣鳥於將軍鼓下集者主將有災

羣鳥飛集往來繚繞軍營者主敵來

鳥入營中上將軍帳幕者主內與外謀逆

鳥入營中人不識者是熒惑行化急宜移營

下營後有鷲經過者主敵來勇銳

鳥如龍文者見處兵起

鳥如獸形見處兵起

鳥蔽日來集我營上者不出三日敵從鳥來處至宜防其方

衆鳥忽回翔軍上鳴噪者主三日內暴兵至

惡鳥遶軍飛鳴者主軍大敗

白雀入軍營者急移營

羣鳥隊隊來遶營飛噪者防外敵來攻

羣鳥飛鳴者主暴兵至

羣鳥鳴噪軍營四面者宜固守戰則軍敗

鳥忽然入軍營者不出五日當有大戰先舉兵勝

鳥營上一鳴者主敵不來二鳴主戰大勝五鳴不戰而勝

鷹鶚在前後者不出五日主大戰

或見鷲鳥在軍前捕物者大勝

軍行有百勞鳥在軍前則後軍列陳待之主敵至

軍行有鳥逆來者主軍大敗

軍營中有鷄夜鳴者主軍大敗

軍行逢蚩蟲者主大戰

軍行有蜂蝶前後左右飛者必有伏兵

軍營中有鳩噪者主暴兵至

凡獸有虎豹或前或後入軍中不出五日主大戰先舉兵勝

虎豹入軍營中害人者宜急移不移大凶

猿狸狐獾入軍中主軍吏謀叛及姦詐事急移營

蛇遶軍營者賊來攻戰宜固守之

獐野豬入軍營者主大凶軍敗速移卽吉

鹿入營者主三日內有人來降

鹿雉入軍營者主大凶軍敗

龜鱉入軍營者主兵潰散

軍中忽聚數百蛇者主兵潰散

軍營馬轉 大戰

軍營馬書 主暴兵至

明

吉

營 馬舞者二 能征戰 已上俱神機制敵

占潮

月上潮長 月及潮漲 大汛潮光 小汛月上

北海之潮 終日滔滔 高麗潮來 一日一遭

萊州洋水 南北長落 北來是長 有來方覺

子江內 糧舟之患 最怕船密 大風緊急

系定且守 船走難纜 紐定必凶 直至沙岍

走荒落石 神鬼驚散 要知石地 大洪泥硬

灘山一馱 鐵石可障 海中泥濘 順拋木石

黑水洋深 接繳數尋 成山開處 名羅鼓地

磨 宗毛 篋繳可拋 成山鐵山 萬丈深泉

職方攷鏡

浙東潮候

初一初二三十四 寅申長 巳亥平

初三初四十五十六 卯酉長 子午平

初五初六十七十八 辰戌長 丑未平

初九初十十一十二 巳亥長 寅申平

一 子午長 卯酉平

丑未長 辰戌平

寅申長 巳亥平

卯酉長 子午平

辰戌長 丑未平

眩晦朔弦望潮汐應焉故平於

方月潮生於寅則汐於申潮生於巳

則汐於亥陰陽消長不失其時故曰潮信

定太陽出沒以應潮信時刻長短

正月出乙入庚方 二八出兔入雞腸

三七發甲入辛地 四六出寅入犬藏

五月生艮歸乾上 仲冬出巽入坤方

十月與七 出寅入申仔細詳

定

九五更四點徹 二八五更二點歇

三七平光起寅時 四六日出寅無別

五月日高三丈地 十月十二四更二

仲冬纔到四更初 此是寅時須切記 已上紀効新書



